



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education

Broj: 11-34-04/01-28707-81 /25
Sarajevo, 11.07.2025. godine

SKUPŠTINA KANTONA SARAJEVO

n/r Elvedin Okerić, predsjedavajući Skupštine Kantona Sarajevo

PREDMET: Odgovor na zastupničko pitanje, *dostavlja se*

Poštovani,

Zastupnik u Skupštini Kantona Sarajevo Samir Avdić, na 22. radnoj sjednici Skupštine Kantona Sarajevo, održanoj dana 23.05.2025. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa čl. 211. i 214. Poslovnika Skupštine Kantona postavio je zastupničko pitanje iz priloga.

Odgovor:

Poštovani,

Vlada Kantona Sarajevo donijela je Zaključak, kojim se usvojio Program sufinansiranja boravka djece predškolske dobi u privatnim predškolskim ustanovama na području Kantona Sarajevo u školskoj 2025/26. godini. Navedenim Zaključkom Vlada Kantona Sarajevo je zadužila Ministarstvo za odgoj i obrazovanje Kantona Sarajevo (u daljem tekstu: Ministarstvo) da poduzme mjere i radnje iz svoje nadležnosti definisane Programom, a na osnovu čega je Ministarstvo donijelo Instrukciju o upisu djece u predškolske ustanove u školskoj 2025/26. godini, kojom je jasno propisan cjelokupni proces upisa djece u predškolske ustanove putem online platforme sistem EMIS-predškolsko.

Ukoliko privatna predškolska ustanova, bez saglasnosti Ministarstva poveća cijenu boravka djece u predškolskoj ustanovi propisanu ovim programom ili poveća cijenu boravka djece u predškolskoj ustanovi više od procenta propisanog ovim Programom, Ministarstvo za odgoj i obrazovanje će raskinuti ugovor o sufinansiranju sa tom privatnom predškolskom ustanovom.

Saglasnost za uvećanje cijene boravka djeteta u predškolskoj ustanovi *u okviru navedenom u Programu*, daje Ministarstvo.

U skladu sa članom 28. Zakona o predškolskom odgoju i obrazovanju u Kantonu Sarajevo („Službene novine Kantona Sarajevo“, br. 26/08, 21/09, 33/21 i 31/22), u daljem tekstu: Zakon, specijalizirani programi predškolskog odgoja i obrazovanja sadrže kontinuirane ili povremene aktivnosti koje se mogu organizirati jednom ili više puta u sedmici u trajanju od jednog, dva, ili više sati u skladu sa potrebama i interesom porodice i djeteta. Specijalizirani programi predškolskog odgoja i obrazovanja sadrže odgojno-obrazovni rad iz muzičke, likovne i fizičke kulture, lutkarstva, stranih jezika, rekreativne, ekološke, vjerske i drugih oblasti, koji su u funkciji zadovoljavanja

posebnih, odnosno dodatnih interesovanja i sklonosti djeteta i isti donosi ministar na prijedlog registrovane predškolske ustanove. Napominjemo, specijalizirani programi nisu dio redovnog programa rada predškolskih ustanova. Specijalizirani programi se uvode prema iskazanom interesu roditelja, na zahtjev predškolske ustanove. Pored programa navedenih u članu 28. Zakona, specijalizirani spada u vrstu programa. Registrovana predškolska ustanova dužna je pribaviti saglasnost za realizaciju specijaliziranih programa.

Član 42. Okvirnog zakona o predškolskom odgoju i obrazovanju u Bosni i Hercegovini ("Službeni glasnik BiH", broj: 88/07) sadrži odredbe o participaciji korisnika usluga specijaliziranih programa na način da sredstva za realizaciju kraćih i specijaliziranih programa rada i troškove ishrane djece osiguravaju korisnici usluga.

Napominjemo da Ministarstvo ne daje saglasnost za realizaciju komercijalnih programa u predškolskim ustanovama.

S poštovanjem,



**PO OVLAŠTENJU MINISTRICE
POMOĆNICA MINISTRICE**

Lamija Husić

Dostaviti:

1. Naslovu;
2. Evidenciji;
3. a/a